



Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Paraphrasis in Epistolam B. Pauli I. Corinth. I.

[urn:nbn:de:hbz:466:1-47044](#)

DOMINICAE XVIII. POST TRINITATEM.

651

ter, quam noluit illis nefarie blandiri. Quintum, eruditio atque consilium
de humilitate amplectenda, quo sit ut apud Deum exalteatur, quisquis se hu-
miliauerit. Nec solum apud Deum, sed etiam apud homines humiliantem
se sequatur gloria. Vestra autem gloria alia non sit δ filij à vobis quarenda,
quam nosse diligerequē Christum, eiq̄e placere, qui est benedictus in se-
cula, Amen.

DOMINICA XVIII. POST DOMINICAM S.

Trinitatis, Epistola B. Pauli Apostoli I. Corinth. I.

Gratias ago Deo meo semper pro vobis in gratia Dei, qua datus es
vobis in Christo Iesu, quia in omnibus dantes facti estis in illo, in
omni verbo, & in omniscientia, sicut testimonium Christi confir-
matum est in vobis: ita ut nihil vobis deficit in villa gratia, expectan-
tibus revelationē Domini nostri Iesu Christi, qui & confirmabit vos usque in fi-
nem sine crimen in die aduentus Domini nostri Iesu Christi.

PARAPHRASIS IN EANDEM EPISTOLAM.

Si Pauli animus scribentis, & populi ad quem scribit animus condicio-
nesquē considerentur, nihil erit mirum, si in eadem epistola Corin-
thios nunc laudat, nunc vituperat, nunc arguit, nunc obsecrat, omnia
pertētans ut profit, ut vincat, ut triumphet in Christo Iesu. In civitate vniuers
populi, in plebis vniuersitate possibile non est, quin offendas quod laude,
quod item cōtra sit reprehensione dignum. Quapropter in hac lectione per-
fectis quos laudat loquens, paulo post ad imperfectos sermonem conuerit,
illos quoque in eadem epistola reprehensurus. Hec, ut dixi, ad eiusdem ci-
vitatis populum scribit vnumquemq; tibi manifestans, quo vel notatum ac
reprehensum, aut laudatum & in bono confirmatum se sentiat. Itaque hic
dicit: Gratias ago Deo meo pro vobis, semper exhilaratus in gratia Dei, qua
data est vobis. Aut, gratias ago Deo meo pro vobis, propter gratiam qua data
est vobis, non in Petro aut in Paulo, sed in Christo Iesu: quia in illo & per
illum omnium bonorum donorumq; spiritualium diuites facti estis.
(Nihil enim deest timentibus eum) in omni verbo, hoc est, in dono om-
nium linguarum: quia & huiusmodi qui hoc domum habebant, inter eos e- falm. 33.

tant. Aut in omni verbo, hoc est, in omni eruditione & exhortatione ver-
bi, quia scitis eum, qui lapsus est, erigere & stabilire verbo Dei, & in om- Ef. 4. 10.

niscientia intelle. & tuq; scripturarum sicut testimonium Christi, quo testa-
tus est credentibus dona se vberiora daturum post resurrectionem & ascen-
sionem suam, in vobis confirmatum & impletum est. Aut ita: Vos abunda-
tis verbo & scientia, quo non solum vobis nihil deficit in omni scientia, sed
etiam alios positis fulcire confortarequē in fide: ita ut testimonium Christi,
quod omni homini à vobis id poscenti debet reddere de fide & spe, quā Pet. 3.

el vobis in Christo Iesu, adeo in vobis confirmatum est, ut nihil vobis de-
ficit in villa gratia ad vestram salutem, aut ad aliorum adificationem vobis
necessaria. Vobis, inquam, magno desiderio expectantibus revelationem

NNNN 2 Domi-

Domini nostri Iesu Christi, in iudicio extremo futuram, yobisq[ue] ad eandem anhelantibus, ac dignè paratis, quam impij timent, & hanc futuram (si fieri posset) nollent, qui sua gratia interim confirmabit vos usque ad vitæ vestra finem, quo persevereretis in virtutibus, sine crimine villo, aut lethali peccato: qui finis erit in die aduentus Domini nostri Iesu Christi, siue ad iudicium is sit in uerale in fine mundi, siue ad iudicium cuiusvis animæ singulariter per mortem hinc egreditur, & quo ad animam suam iudicium recipientis.

*EXEGESIS EVANGELII DOMINICÆ XVIII.
post Dominicam S. Trinitatis, Matthei XXII.*

Quomodo Christus nunquam destitit docere & benefacere quibus cunque potuit sine acceptione personarum, ita tam Saducæi quam pharisæi nunquam defierunt Christum persequi, tentare & calumniari. Omni enim tempore & odio perpetuo insidiabantur ei. Nam antequam pharisæi illum accederent, narrat Euangelista, quod illum Saducæi fuerant adorti, putantes illum posse sermonibus constringi ac concludi, ne quod responderet, haberet. Proponebant enim mulierem quæ post primi mariti mortem iuxta legem nupsit germano defuncti: quo pariter mortuo alteri nupsit fratri, & ita succedentibus sibi maritis, accidit ut septem haberent maritos fratres. Quibus omnibus defunctis, demigravit hinc tandem & mulier. Interrogant igitur, quem sit mulier illa post resurrectionem habitura virum ex his, quos olim habuit. Aut ergo septem fratres habitura est viros, arguunt, ubi resurrectio corporum creditur, quod deforme est, aut nullum: per hoc probatum esse volentes, nullam esse resurrectionem. Quibus Christus Dominus respondit, dicens: Erratis nescientes scripturas neque virtutem Dei. In resurrectione enim neque nubent neque nubentur: sed erunt sicut Angeli Dei in celo, & reliqua quæ sequuntur. Ceterum, ubi pharisæi considerauerunt Saducæis impositum silentium, de quo ut de aduersariis sibi incommode seu confutacione licet credantur delectari, in Christi tamen persecutione fuere concordes. Quapropter illis recedentibus, pharisæi conuenerunt inter se ut Dominum accederent. Sic enim dicit Euangelista:

Accesserunt ad Iesum pharisæi: & interrogauit eum unus ex eis legis docto[r] rentans eum: Magister, quod est mandatum magnum in lege?

Multitudine quidem conuenerunt, per unum tamen solum interrogant: qui si Christum vinceret, omnes viderentur victores. Si vero vinceretur, vel solus portaret ignominiam. Præter enim gloriam & opinionem hominum nihil querere videbantur pharisæi aliud. Veruntamen quod hic legis docto[r] dicitur Christum tenasse, cui Christus, secundum alium Euangelistam dixerit: Non longè es à regno Dei, mirum est, quomodo non longè fueris à regno Dei, qui Christum iniqua intentione tentauerit. Dicendum: Si idem est legis peritus, seu docto[r], cuius apud alios quoque Euangelistas sic mentio, tunc mala intentione ad Christum tentandum accessit. At ubi Christus

Chrysost.

Marc. 12.

Luc. 20.